

建寧府志卷之二十三

宦蹟四

武職

唐

張謹字信美閩人沉機雄毅英畧捷發累官至福建招討使黃巢之亂賊以精兵數萬寇閩中謹率師迎戰多所衝陷後與賊遇於政和團練今卽

山鐵殺傷甚多賊以奇兵絕道士卒乏食疲困不

能鬪謹意氣自如其偏將郭榮赤頰長髯勇敢

建寧府志

卷之二十三

宦蹟

一

二百三十四
爾

有氣力能挽一石弓舉千斤謹與榮及諸校江李曹葛許蔣等一十八人持白刃突入賊陣斬首百餘級後賊探知矢盡無援奮擊不已自旦至晡十八人俱死榮亦死謹被創甚乃握刀箕踞瞠目大罵爲賊所害妻子及榮妻皆罵賊而死

元

魏畱家奴邵武守禦于戶淳子也狀貌甚偉志節不羣元季盜寇四起畱家奴領兵守邵武僞漢

陳友諒遣將攻之城陷奔建寧僞元帥康泰率兵圍城甚急攻破南水門附堞而上畱家奴領數騎開門迎戰生擒其梟將名花太子者賊勢稍卻復大戰於大洲殺獲甚衆泰夜遁去城賴以安

李鉉字伯鼎衛縣人至正間襲副萬戶職守延平擊福安寨寇戰於政和泗州橋弗利鉉爲詩云戰敗誠宜死沉思憾復牽君親恩莫報忠孝事難全埋骨應無地知心祇有天孤冤託明月夜

建寧府志

卷之二十三

宦蹟

二

一百八十一
爾

夜白雲邊遂死贈隴西郡公

明

沐英字文英定遠人洪武元年以廣武衛指揮使從征建寧城降置建寧衛命英掌衛事時尤溪賊猖獗官軍不利英親率兵破之擣其巢穴擒獲殆盡開拓府城西南隅重建城西平政橋三年召還士民攀號不忍其去

師祐通許人福建行都司指揮僉事有武畧崇儒重士永樂間知府芮麟卜地遷建寧府學而將

士室廬居半祐卽撤而歸之以戰功陞都指揮使卒於交趾

徐信字彥實和州人福建行都司指揮僉事父義任建寧右衛指揮僉事信弱冠襲父職永樂初陞本衛同知十年擒尤溪寇林實三等二千餘人陞今職十四年擒尤溪寇李身觜等五百人洪熙元年勦處賊池永康等宣德元年捕浦城賊陳三觀等正統十三年沙尤鄧茂七作亂勢甚猖獗去郡十五里營寨期日攻城城中洶洶

建寧府志

卷之二十三

宦蹟

三

一百九十

爾

信於夜半潛使人偵知賊虛實五鼓分兵三路以黃帕爲號舉炮則各路俱進賊未飯官軍已入其營斬獲殆盡餘黨悉遁事聞降勅嘉獎他如崇儒修學散粟賑饑有古名將風年八十七致仕

王亮山西人累功陞都指揮使正統十三年調福建行都司時沙尤盜起亮率軍入高陽里爲賊所陷被執罵不絕聲遂遇害

馬雄濟南人福建行都司都指揮僉事屢破沙尤

賊有功陞都指揮同知卒於官

曹敬邳州人延平衛指揮使正統十四年累破沙尤賊有功陞福建行都司都指揮同知

張瓏合肥人福建行都司都指揮僉事正統二年破龍巖等賊既還卒於晉安驛朝廷遣官諭祭張凱字舜卿臨淮人福建行都司都指揮僉事剛毅勤慎有武畧兼善文事正統間沙尤盜起勢張甚凱冒矢石擒獲渠魁築永安城在官三十餘年軍吏畏服

建寧府志

卷之二十三

宦蹟

四

二百八十六

爾

吳剛汝寧人以忠勇自勵征麓川有功歷陞福建行都司都指揮僉事正統十三年討處州賊葉宗畱偕弟祥挺身殺賊沒於建陽

李恕江都人建寧衛指揮同知正統十二年沙尤盜起恕斬獲賊首陳保賊徒魏進一等累陞都指揮同知

丁泉汶上人襲父職任延平衛指揮正統十四年沙尤盜起以勦獲功陞福建行都司都指揮僉事天順七年討上坑山寇力戰而死

宮顯壽州人建寧右衛指揮僉事正統十四年沙尤寇攻將樂顯設備俟賊少懈襲破之陞指揮同知

蔣伯良涇田里人少貧賤販鬻尤溪市中正統戊辰沙寇鄧茂七攻陷城邑縛辱縣官八郡騷然時寧陽侯屯尤溪良率子弟兵應募所至克捷以功授所鎮撫復遷建寧左衛指揮同知良爲人短小精悍多智督戰必嚴刁斗信賞罰嘗出號軍中夜不得妄出入良姊子犯令衆哀救不可竟按軍法

建寧府志

卷之二十三

宦蹟

五

一百六十
爾

田盛字秀實壽州人洪武七年任福建行都指揮使司斷事廉公有威人畏服之

王敏保定人由監生洪武末任福建行都指揮使司斷事廉潔有守獄無冤滯以憂去陞刑部郎中

國朝

李繡字文素儀真人順治初年隨征抵建州旋駐□防浦城浦介江閩浙三省之衝諸山皆盜窟眈

眈窺浦四年二月建陽被掠越旬日謀襲浦東
吻爽薄城繡偵得其狀揚旂鏖擊萬安橋畔積
柴千計梅谿告警乘月迅驅獲渠魁常甫鄭秀
等九人餘黨悉解去妖僧王祁揭竿郡城屬邑
多陷乘銳趨柘浦繡躍馬周行境內謂爾曹無
恐城以內不扃門自戢而譁於塗者視吾劍城
以外不聞鼓直前而縮於陳者視吾劍插羽先
登一捷於九**秋**橋再捷於陂頭軍聲振而孤城
獨完時援兵未至以三百人當數萬之衆蓋竒
功也暇日創營房構粵王臺葺文公祠梓楊大
年文集崇儒恤民旁及詩畫尤近日**鑿**鑿所僅
見者以勞瘁卒於官民哀思之